



Broj: 09-20-11-2-1984/23

Datum: 15.11.2023. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj 81/14) čl. 27. i 70. Zakona o javnim nabavkama („Službeni glasnik BiH“, broj 39/14 i 59/22), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2023. godinu, direktor Federalne uprave policije, d o n o s i:

## ODLUKU

o izboru najpovoljnijeg ponuđača u predmetu „Nabavka vojne opreme“ za LOT 1

### I

Na osnovu obavještenja o nabavci broj 1412-3-1-214-3-101/23 od 17.8.2023. godine, objavljenog u „Službenom glasniku BiH“ broj 59/23 od 25.8.2023. godine, proveden je pregovarački postupak sa objavom obavještenja o nabavci, u predmetu nabavke „Nabavka vojne opreme“.

### II

Za predmetnu nabavku za LOT 1, zaprimljena je 1 (jedna) konačna ponuda i to od ponuđača SHOT d.o.o. Zenica.

### III

Komisija je utvrdila da ponuda ponuđača SHOT d.o.o. Zenica sa cijenom od 11.250,00 KM bez PDV-a, odnosno 13.162,50 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku broj 09-20-11-2-1984/23 od 08. i 15.11.2023. godine.

### IV

Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 09-20-11-2-1984/23 od 15.8.2023. godine

### V

Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.

### VI

Cijeneći prijedlog Komisije, direktor Federalne uprave policije donosi Odluku kao u dispozitivu i ista stupa na snagu danom donošenja.

## VII

Za izvršenje Odluke zadužuje se Sektor za materijalno-finansijske poslove.

### **O b r a z l o ž e n j e**

Komisija za provođenje postupka nabavke u skladu sa članom 8. Zakona o javnom nabavkama za 2023. godinu, imenovana Rješenjem zamjenika direktora Federalne uprave policije, broj 09-19/1-30-2-25 od 04.01.2023. godine, postupila je shodno obavještenju o nabavci koji je objavljen u „Službenom glasniku BiH“ broj 59/23 od 25.8.2023. godine, na osnovu čega je proveden pregovarački postupak nabavke „Nabavka vojne opreme“, podijeljena na lotove i to: LOT 1, LOT 2, LOT 3, LOT 4, LOT 5, LOT 6, LOT 7, LOT 8 i LOT 9. Procijenjena vrijednost iz Tenderske dokumentacije je za LOT 1 - 11.300,00 KM bez PDV-a, za LOT 2 - 16.297,86 KM bez PDV-a, za LOT 3 - 11.850,00 KM bez PDV-a, za LOT 4 - 4.000,00 KM bez PDV-a, za LOT 5 - 42.400,00 KM bez PDV-a, za LOT 6 - 11.400,00 KM bez PDV-a, za LOT 7 - 3.900,00 KM bez PDV-a, za LOT 8 - 6.100,00 KM bez PDV-a i za LOT 9 - 6.000,00 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača KM TRADE do.o. Visoko, PATRIO d.o.o. Ilidža, SHOT d.o.o. Zenica i DANIAL S d.o.o. Tešanj.

Nakon čega je Komisija dala prijedlog Ugovornom organu za donošenje odluke o rezultatima pretkvalifikacije, te je donesena Odluka broj 09-20-11-2-1984/23 od 19.9.2023. godine. Komisija je dana 04.10.2023. godine uputila pozive kvalifikovanim ponuđačima za dostavljanja početnih ponuda.

U skladu sa navedenim rokom ponuđači su dostavili početne ponude i to: SHOT d.o.o. Zenica za LOT 1 i 5, DANIAL S d.o.o. Tešanj je dostavio početnu ponudu LOT 1, 2, 3, 4, 5, 6, 7 i 8, KM TRADE d.o.o. Visoko je dostavio početnu ponudu za LOT 2, 3, 4, 5, 6, 7, 8 i 9, PATRIO d.o.o. Ilidža je dostavio početnu ponudu za LOT 2, 3, 5, 6, 7, 8 i 9.

Komisija je uvidom u gore navedene početne ponude konstatovala da su ponude ponuđača SHOT d.o.o. Zenica, DANIAL S d.o.o. Tešanj, KM TRADE d.o.o. Visoko i PATRIO d.o.o. Ilidža ocijenjene prihvatljivim što je konstatovano u Zapisniku broj 09-20-11-2-1984/23 od 17.10.2023. godine.

Dana 19.10.2023. godine obavljani su pregovori sa ponuđačima, gdje su isti obaviješteni za koje LOT-ove njihove početne ponude su prihvatljive i ispunjavaju uslove i za koje će dobiti pozive za konačnu ponudu.

Nakon provedenih pregovora od ponuđača Danial S d.o.o. Tešanj, na osnovu člana 68 stav 3 ZJN, je zatraženo dostavljanje pojašnjenja, obzirom da nije dostavio potpune ponude za LOT-ove 1, 4 i 5, što je konstatovano u Zapisniku broj 09-20-11-2-19874/23 od 23.10.2023. godine.

Nakon uvida u pojašnjenje, dana 24.10.2023. godine upućeni su pozivi za dostavljanje konačnih ponuda i to ponuđačima: SHOT d.o.o. Zenica za LOT 1 i 5, ponuđaču DANIAL S d.o.o. Tešanj za LOT 2, 3, 4, 7 i 8, ponuđaču KM TRADE d.o.o. Visoko za LOT 2, 3, 5, 6, 7, 8 i 9 i ponuđaču PATRIO d.o.o. Ilidža za LOT 2, 3, 5, 6, 7, 8 i 9.

Komisija je na sastanku održanom dana 08.11.2023. godine izvršila pregled zaprimljenih konačnih ponuda, u smislu da li ispunjavaju uslove navedene u pozivu ugovornog organa za dostavljanje konačne ponude za LOT 1, te je utvrdila da je za LOT 1 zaprimljena jedna ponuda ponuđača SHOT d.o.o. Zenica, koja u potpunosti, u ekonomskom i tehničkom smislu, ispunjava tražene uslove, te je Komisija dala prepopuku rukovodiocu Ugovornog organa da donese odluku o izboru najpovoljnijeg ponuđača za LOT 1 - SHOT d.o.o. Zenica sa cijenom od 11.250,00 KM bez PDV-a, odnosno 13.162,50 KM sa PDV-om, a što je konstatovano u Zapisnicima broj 09-20-11-2-1984/23 od 08. i 15.11.2023. godine.

#### **POUKA O PRAVNOM LIJEKU:**

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog/prvostepenog organa.

Prilog:

- Zapisnik o otvaranju konačnih ponuda 09-20-11-2-1984/23 od 08.11.2023. godine
- Zapisnik nakon provedene e-aukcije broj 09-20-11-2-1984/23 od 15.11.2023. godine

**DIREKTOR**  
**(po ovlaštenju Vlade FBiH)**  
**GLAVNI INSPEKTOR**

Vahidin Munjić

Dostaviti:

- Sektoru za mat-fin poslove
- ponuđačima
- u spis

